



Sarajevo, 13.07.2021. godine
Broj:18-04-02-22801-24/21

SKUPŠTINA KANTONA SARAJEVO

Gosp. Elvedin Okerić, predsjedavajući

OVDJE

Predmet: inicijativa zastupnice Neire Dizdarević, akt br: 01-04-22801-24/21 od 01.06.2021.g.


Poštovani gosp. Okerić,

Kao odgovor na inicijativu zastupnice Dizdarević i prijedloga ministrice pravde KS, gđe. Softić Kadenić (akt broj: 03-04-02-22801-24/21 od 06.07.2021.g.) obavještavam Vas slijedeće:

Na prijedlog Službe za protokol i press KS, Vlada Kantona Sarajevo je usvojila zaključak broj: 02-04-22690-36/20 od 02.07.2020. godine koji daje rješenja za pitanja iz navedene inicijative. Naime, ovim je Zaključkom Vlada KS odredila: nazive zvaničnih profila na društvenim mrežama, postupanja u slučaju pojave novih društvenih mreža, te ko je zadužen za uspostavu, održavanje i sigurnost profila Vlade KS na društvenim mrežama.

U prilogu Vam dostavljamo predmetni zaključak.

S poštovanjem,



Nenad Marilović



Bosna i Hercegovina
 Federacija Bosne i Hercegovine
KANTON SARAJEVO
 Ministarstvo pravde i uprave



Босна и Херцеговина
 Федерација Босне и Херцеговине
КАНТОН САРАЈЕВО
 Министарство правде и управе

p. 5/159

Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Justice and Administration

Broj: 03-04-02-22801-24/21
 Sarajevo, 06.07.2021. godine

SKUPŠTINA KANTONA SARAJEVO
 gosp. Elvedin Okerić, predsjedavajući Skupštine

PREDMET: Zastupnička inicijativa zastupnice Neire Dizdarević, odgovor, dostavlja se –

VEZA: Vaš akt, br. 01-04-22801-24/21 od 01.06.2021. godine

Zastupnica Neira Dizdarević, na 37. Radnoj sjednici Skupštine Kantona Sarajevo, održanoj dana 31.05.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo, uputila je zastupničku inicijativu Vladi Kantona Sarajevo i Ministarstvu pravde i uprave, u kojoj se navodi da *"Sve više kantonalnih javnih organa, ustanova i preduzeća koristi društvene mreže za plasiranje informacija prema građanima, kao što i građani sve više koriste iste za komunikaciju sa javnim organima, ustanovama i preduzećima."* Dalje, navodi se da se podnosi inicijativa o donošenju zakonskog okvira kojim će biti jasno definisano korištenje društvenih mreža od strane javnih organa, ustanova i preduzeća, kao i sprječavanja njihove zloupotrebe u bilo koje svrhe.

Ministarstvo pravde i uprave ističe da smatra opravdanom inicijativu da se korištenje društvenih mreža od strane organa javnog sektora normativno uredi, kako bi se utvrdile smjernice, te spriječile eventualne zloupotrebe prilikom korištenja društvenih mreža.

Analizom relevantnog zakonodavstva u državama regiona, ovo ministarstvo je ustanovilo da je način korištenja društvenih mreža od strane organa javnog sektora propisan podzakonskim propisima (*Komunikaciona strategija Vlade Crne Gore i Pravila o komunikacijama, Smjernice za upotrebu društvenih mreža u organima državne uprave, autonomne pokrajine i jedinica lokalne samouprave - Republika Srbija*). U Saveznoj Republici Njemačkoj, ministarstva u Saveznoj vladi donose tzv. *netiquette* (netikete) koje predstavljaju osnovna pravila ponašanja koja se moraju primijeniti u praksi prilikom korištenja interneta.



web: <http://mpu.ks.gov.ba>
 e-mail: mpu@mpu.ks.gov.ba;
 Tel: + 387 (0) 33 562-083,
 Fax: + 387 (0) 33 562-241
 Sarajevo, Reisa Džemaludina Čauševića 1




Imajući u vidu naprijed navedeno, te činjenicu da je članom 2. stav (2) Uredbe o osnivanju Službe za protokol i press Kantona Sarajevo ("Službene novine Kantona Sarajevo" br. 19/19 i 39/19), propisana nadležnost Službe za protokol i press Kantona Sarajevo, između ostalog, za poslove pripremanja informacija i saopćenja za javnost i druge poslove iz oblasti informisanja, a za potrebe Skupštine Kantona Sarajevo, predsjedavajućeg i zamjenike predsjedavajućeg Skupštine Kantona Sarajevo, Vlade Kantona Sarajevo, premijera Kantona Sarajevo, ministara i drugih rukovodilaca kantonalnih organa, predlažemo da se predmetna inicijativa dostavi Službi za protkol i press Kantona Sarajevo, na razmatranje i eventualno dalje postupanje.

S poštovanjem,

Dostaviti:

1. Naslovu;
2. Stručna služba Vlade;
- ③ Služba za protokol i press;
4. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-22690-36/20
Sarajevo, 02.07.2020. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Prečišćeni tekst i 37/14 - Ispravka) Vlada Kantona Sarajevo, na 24. sjednici održanoj 02.07.2020. godine, donijela je

ZAKLJUČAK

1. Sa ciljem direktne, pravovremene i tačne komunikacije sa javnošću i medijima korištenjem novih kanala komunikacije određuju se društvene mreže i pripadajući nazivi profila Vlade Kantona Sarajevo, kako slijedi:

| Naziv društvene mreže | Naziv profila Vlade Kantona Sarajevo |
|-----------------------|---|
| Facebook | Vlada Kantona Sarajevo, @vladakantonasarajevo |
| Instagram | Vladakantonasa |
| LinkedIn | Vlada Kantona Sarajevo |
| YouTube | Vlada Kantona Sarajevo |
| Twitter | @vladaks |

2. Sve eventualne buduće društvene mreže, za koje Vlada Kantona Sarajevo bude smatrala da su pogodne za komunikaciju sa građanima Kantona Sarajevo, registrovat će se sa nazivom profila: "Vlada Kantona Sarajevo" ili što je moguće sličnije.
3. Sve objave koje se odnose na rad Skupštine Kantona Sarajevo i njenih rukovodilaca će se također objavljivati na profilu Vlade Kantona Sarajevo.
4. Zadužuje se Služba za protokol i press Kantona Sarajevo za uspostavu i održavanje svih profila na navedenim društvenim mrežama.
5. Zadužuje se Služba za protokol i press Kantona Sarajevo da u roku od 30 dana od stupanja na snagu ovog Zaključka donese pravilnik kojim će se urediti sva pitanja vezana za uspostavu, održavanje, objavljivanje i sigurnost profila Vlade Kantona Sarajevo na društvenim mrežama.

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstva Kantona Sarajevo (12x),
5. Služba za protokol i press Kantona Sarajevo,
6. Evidencija,
7. Arhiva.

